



**Nuummi umiarsualivimmut  
Sikuki Nuuk Harbour A/S-ip  
Namminersorlutik Oqartussanut  
Umiarsualivimmiinnermut akileraarutininik  
naatsorsuusiorderanarut suleriaaseq  
1. januaari 2019**

## 1. Aallaqqaasiut

Nuummi umiarsualivimmut Namminersorlutik Oqartussanut umiarsualivimmiinnermut akileraarutit naatsorsuusioneranut suleriaatsit 1. januaari 2019-imit allangortinneqarput.

Namminersorlutik Oqartussanut umiarsualivimmiinnermut akileraarutit 1. januaari 2019-imit Sikuki Nuuk Harbour A/S-imit akiligassiisutigineqartarneri unitsinneqassapput, umiarsualivimmiinnermut akileraarutitut akiliinnermut tunngaviusoq kisimi tassaassaaq umiarsuarmit (sullissiviit i. a.) nalunaaruteqarnermut immersugassaaq nammineerlutik allattuiffissaat, akileraarutitut nammineerluni nalunaarsuinnermut assingusoq. Ataani allaaserisaq takuuk.

## 2. 1. januaari 2019-imit suleriaaseq

1. januar 2019-imit umiarsualivimmiinnermut akileraarutit pillugit nalunaarut (nal. ' 4. imm. 1., naleqq. imm. 4 naleqq.) mailikkut Sikuki Nuuk Harbour A/S-imut kingusinnerpaamik ulloq aallarfiusumi nassiunneqartassaaq. Sikuki Nuuk Harbour A/S-imut naleqqiullugu umiarsuarmit sullissisup taanneqartup nassiunneqarnissaanut akisussaavoq.

Nalunaarut [sikuki@sikuki.gl](mailto:sikuki@sikuki.gl)-imut nassiunneqassaaq, aamma umiarsuup aqqa, ulloq aallarfissaa kiisalu oqaaseq "GS Havneafgift" (nutsernera: "GS Umiarsuarmit innermut akileraarut") mailip qulequtaani takuneqarsinnaassaaq.

Umiarsualivimmiinnermut akileraarut **kontumut 6471 - 1715248** kingusinnerpaamik aallarnermi akilerneqassaaq. Sikuki Nuuk Harbour A/S-imut naleqqiullugu umiarsuarmit sullissisup taanneqartup akilerneqarnissaanut akisussaavoq.

Akiliineq akiliisup/sullissisup kinaassuserneqarnissaanut aamma akiliineq nalunaarummut nassiunneqarsimasumut illugiisinnerneqarnissaanut paasisutissanik naammattunik imaqassaaq. Akiliineq taama minnerpaamik paasisutissanik tulliuttunik imaqassaaq:

- Umiarsuup aqqa
- Ulloq aallarfissaaq
- Akiliisup aqqa

Erseqqissaatigineqassaaq Sikuki Nuuk Harbour A/S-imit umiarsualivimmiissimanermit akiligassamik imaluunniit akiliinerup tiguneqarsimaneranut uppersaammik nassiussisoqassanngimmat. Umiarsuup nalunaaruteqarnermut immersugassaaq (nammineerluni nalunaarsuineq) nammineq allattuiffigisimasaaq taamatut kisimi taaneqartumut uppersaataassaaq.

## 3. Nakkutilliineq il. il.

Nuummi umiarsualivimmut umiarsuit tikinnerannut nalunaarutit aamma akiliinerit piffissaaq eqqorlugu tiguneqarsimanersut Sikuki Nuuk Harbour A/S-imit ingerlaavartumik nakkutigineqassapput.

Nalunaarutit aamma/imaluunniit akiliinerit tiguneqarsimanngitsut pillugit paasisutissat Akileraartarnermut Aqutsisoqarfimmut ingerlateqqinneqartassapput tassani inatsit aamma nalunaarutit naapertorlugit suliareqqinneqartussanngorlugit aamma iliuusererikkamut kinguneqartussanngorlugit.

Qulaani allasimasut pillugit Sikuki Nuuk Harbour A/S-imut apequteqaatit unnga [sikuki@sikuki.gl](mailto:sikuki@sikuki.gl) imaluunniit oqa. +299 31 40 30 ingerlatinneqarsinnaapput.

Nalinginnaasumik **Sikuki Nuuk Harbour A/S**-imi suleriaasissatut tunngavissat kiisalu **Sikuki Nuuk Harbour A/S**-imi maleruagassat atuuttut nittartakkatsinni [www.sikuki.gl](http://www.sikuki.gl) nassaarineqarsinnaasut innersuussutigineqarput.

#### **4. Namminersorlutik Oqartussanut umiarsualivimmiinnermut akileraarutit inatsisitigut tunngavii**

Namminersorlutik Oqartussanut umiarsualivimmiinnermut akileraarutit pillugit aalajangersakkat inatsisini nalunaarutinilu tulliuuttuni takuneqarsinnaapput, tassani naleqqutsillugu paragrafit erseqqissarneqartarput:

Umiarsualivimmiinnermut akileraarutit pillugit Inatsisartut inatsisaat nr. 20, 30. oktober 1992-imeersoq:

- § 5. Akileraarutinut akiligassaq umiarsuup umiarsualivimmut nunalinnerani akiligassanngusaaq. Imm. 2. Akileraarutinut akiligassaq Akileraartarnermi Pisortaqarfianut kingusinnerpaamik akilerneqassaaq umiarsuup aallalernerani.
- § 10. Akileraarutinut akiligassap akilerneqarnissaanut Inatsisartut inatsisaat una naapertorlugu umiarsuaatilik, piginnittoq, atuisoq, assartuisoq imaluunniit pisortaasoq akisussaapput.
- § 12. Inatsisartut inatsisaata atuutsinnissaanut Naalakkersuisut maleruagassiorsinnaapput aammalu umiarsuit ilaasa akileraarutinik akiliinnginnissaannik oqilisaaffigineqarnissaannilluunniit aalajangersagaliorsinnaallutik.

Umiarsualivimmiinnermut aamma umiarsuit takornarianik angallassissutit ilaasunik angallassinerrannut akileraarutit pillugit nalunaarut nr. 5, 7. marts 2003-meersoq:

- § 3. Umiarsualivimmiinnermut akileraarutit pillugit Inatsisartut inatsisaanni nr. 20, 30. oktober 1992-imeersumi pisussaaffiit pisinnaatitaaffiillu Akileraartarnermi Pisortaqarfimmut inissinneqarsimasut umiarsualivimmi oqartussaasumit isumagineqassapput.
- § 4. Umiarsuup naalagaa, imaluunniit inuttaasoq alla akisussaassuseqartoq pisussaavoq umiarsuup aallannginnerani umiarsualivimmi oqartussaasup erseqqinnerusumik ilitsersuina naapertorlugu umiarsuup suunera, umiarsuup BRT/BT-ia, ullut unnuallu qassit umiarsualivimmiissimanersoq kiisalu akileraarutissat naatsorsorneqartut akuerineqarneri pillugit umiarsualivimmi oqartussaasumut nalunaaruteqarnissamut. Imm. 2. Nalunaarutip imm. 1-imi pineqartup tunniunneqarnera ilutigalugu umiarsualivimmiinnermut akileraarutit akiligassanngorsimasut umiarsualivimmi oqartussaasumut akilerneqassapput.

Sikuki Nuuk Harbour A/S Nuummi umiarsualivimmi oqartussaasutut Akileraartarnermut Aqutsisoqarfimmit Namminersorlutik Oqartussat sinnerlugit umiarsualivimmiinnermut akileraarutinik akileeqqusinissamut nalunaarummi § 3 naapertorlugu peqquneqarsimavoq.

Malugiuk, Sikuki Nuuk Harbour A/S-imut nalunaarummik tunniussinissamut aamma akileraarummik akiliinissamut piffissaliussaq aamma ulloq aallarfissaq pineqarmat.

Umiarsuarnut takornariartaatinut kiisalu umiarsuit sinnerinut, taama tulleriillutik nalunaaruteqarnermut immersugassaq Akileraartarnermut Aqutsisoqarfimmi <https://aka.gl/kl-GL/Borger/BLANKETTER/Havneafgift> aaneqarsinnaavoq.

Inatsisinik aamma nalunaarutinik nassuiaatinut innersuussutigineqarpoq, taakku kingusinnerusukkullu allannguutit Namminersorlutik Oqartussat nittartagaanni nassaarineqarsinnaammata. Malugiuk,



inatsimmik nutarterneqarsimasumik kingusinnerusukkut allannguutinik ilanngussisumik  
nassaassaqaangimmat

Nuuk 18. septembari 2020